

**PROTOKOLL**

**Møte i Helseutvalet i Nordhordland**

**Formål:** Møte 1-2016 Helseutvalet  
**Møtetid:** 19.februar, kl. 08.30 - 10.30  
**Stad:** Møterom Regionrådet  
**Til stades:** Ernst Horgen, Peter Kubon, Tord Moltumyr, Øivind Olsnes, Jarle Landås, Astrid Aarhus Byrknes, Anne Hildegunn Færøy  
**Forfall:** Karstein Totland, Stian Herøy  
**Møteleiar:** Astrid Aarhus Byrknes  
**Referent:** Anne Hildegunn Færøy

SAKSNR	SAKSLISTE	Ansvar/ oppfølging
01/16	<u>Godkjenning av saksliste og innkalling</u> - godkjent utan merknader	
02/16	<u>Godkjenning av protokoll frå utvalsmøte 8.januar 2016</u> - godkjent utan merknader	
03/16	<p><u>Endring av namn, samansetting og mandat for Helseutvalet</u></p> <p>I samband med gjennomgang og evaluering av utvalsstruktur for interkommunalt samarbeid har Regionrådet vedtatt å endra namn på Helseutvalet til <i>Utval for helse og omsorg</i>. Vidare har Regionrådet vedtatt å halda på samansettinga med ordførarar, rådmann og kommuneoverlege.</p> <p>Utval for helse og omsorg har slik samansetting frå februar 2016:</p> <p>Frå Regionrådet;</p> <ul style="list-style-type: none"> <li>- Astrid Aarhus Byrknes(Lindås), leiar</li> <li>- Stian Herøy(Fedje), nestleiar</li> <li>- Karstein Totland(Masfjorden)</li> </ul> <p>Frå Rådmannsutvalet;</p> <ul style="list-style-type: none"> <li>- Øivind Olsnes(Modalen)</li> <li>- Jarle Landås (Radøy)</li> </ul> <p>Frå Fagrådet for kommuneoverlegar;</p> <ul style="list-style-type: none"> <li>- Peter Kubon(Austrheim)</li> <li>- Tord Moltumyr(Meland)</li> <li>- Ernst Horgen(Fedje) - vararepr.</li> <li>- Anita Sørtveit(Osterøy)- vararepr.</li> </ul> <p>Utkast til mandat for utvalet var sendt ut i forkant av møtet.</p> <p>Etter gjennomgang og diskusjon var det semje om å endra ordlyden i punkt 2 under utvalets arbeidsoppgåver.</p> <p>Dette vert endra og nytt utkast vert sendt til Regionrådet for handsaming.</p> <p>Vidare drøfta utvalet endra samansetting og representasjon frå kommunane i Overordna samarbeidsutval for Nordhordland(SU) og korleis dette utvalet fungerer. Det vart m.a stilt spørsmål ved om SU i for stor grad er blitt eit operativt utval, og i mindre grad eit utval som arbeider på eit overordna, strategisk nivå. Det vart også peika på at det er behov for å få til ein betre prosess for å sikra forankring og involvering av overordna leiarnivå - både politisk og administrativt i kommunane når det gjeld saker som</p>	Anne Hildegunn Færøy

	<p>Su arbeider med. Utval for helse og omsorg kan vere eit eigna fora for dette, og ønskjer å få tilsendt saksliste med saksdokument i forkant av SU sine møter, og ber om at det vert sett av tid til gjennomgang og drøfting av aktuelle saker.</p> <p><u>Konklusjon:</u> Endringar i mandat vert gjort slik det er avtala og sendt ut med protokoll for møtet. Utkast til mandat vert sendt til handsaming i Regionrådet. Møta i Utval for helse og omsorg vert samordna med møter i SU. Saksliste til SU-møta vert sendt til medlemmene i utvalet når sekretær har mottatt den.</p>	
04/16	<p><u>Tenesteavtale 3-5, for samarbeid om innlegging og utskrivning - innan somatisk sektor (<a href="http://www.saman.no/2134.961.Samarbeidsavtalar.html">http://www.saman.no/2134.961.Samarbeidsavtalar.html</a>)</u></p> <ul style="list-style-type: none"> <li>- vurdering av behov for revisjon av avtalen</li> <li>- orientering om prosess i samarbeidsutvala</li> <li>- vedlagt notat utarbeidd av Bergen kommune</li> </ul> <p><u>Drøfting:</u> Tord orienterte om bakgrunn for saka og at det har komme innspel frå Bergen kommune om at det er behov for å ha ein gjennomgang og vurdere om det bør gjerast ein revisjon av tenesteavtale 3-5 innan somatisk sektor.</p> <p><u>Konklusjon:</u> Utvalet støttar Bergen kommune sine innspel og vurderingar av behov for gjennomgang og revisjon av Tenesteavtale 3-5 innan somatisk sektor og ber Tord Moltumyr bringe dette inn for Samarbeidsutvalet for Nordhordland</p>	Tord Moltumyr
05/16	<p><u>Mammografitilbod for Nordhordland</u></p> <p>Astrid Byrknes har vert i kontakt med Mammografiseret i Helse Bergen der ho har etterspurt korleis mammografitilbodet vert nytta og kva konsekvensar endring i tilbodet kan få for kvinnehelse og utvikling av brystkreft etter nedlegging av mammografibussen. Notat som viser svar frå Helse Bergen var vedlagt i saka.</p> <p>Utvalet meiner at dette er eit døme på strukturelle endringar som kan få konsekvensar for den enkelte innbyggjar.</p> <p>Det kan sjå ut som sentralisering av tenester kan få konsekvensar for bruken av og fokus på tilbodet. Det er viktig å peika på at tilbodet med mammografibussen hadde andre aspekt ved seg enn sjølv screeninga, og at dersom eit slikt screeningprogram skal ha noko verdi så er det viktig å ha ei oversikt som viser om dei som er i målgruppa nyttar tilbodet.</p> <p>Det vart drøfta om utvalet skal sende ei bekymringsmelding til Helse Bergen HF v/direktør om endring av dette tilbodet.</p> <p>Utvalet ønskjer å få ei betre oversikt over bruken av noverande tilbod, og vil be om å få tilsendt konkrete tall for oppmøte i staden for prosentvis oversikt over bruken.</p> <p>Det vart også stilt spørsmål ved om ein burde etterspørja om ein ser sosioøkonomiske forskjellar i deltakinga etter endring og ei meir sentralisering av tilbodet. Dette er eit spørsmål som bør løftast inn til overordna politisk drøfting.</p> <p><u>Konklusjon:</u> Leiar følgjer dette opp og sender brev til Helse Bergen HF v/direktør der bekymringar rundt bruken av tilbodet vert lagt fram, og ber samtidig om å få tilsendt konkrete tal for bruken av tilbodet sett opp mot andelen av befolkninga som er i målgruppa for dette screeningprogrammet. Det er semje om at denne førespurnaden til Helse Bergen skal gå med kopi til lokalavisene for å skapa merksemd rundt saka. Når det gjeld spørsmål om sosioøkonomiske forskjellar i deltakinga etter endring og ei meir sentralisering av tilbodet, så vil leiar sende skriftleg spørsmål til statsråden om denne saka.</p>	Astrid Aarhus Byrknes
06/16	<p><u>Helsehuset</u></p> <p>Anne Hildegunn Færøy gav ei kort orientering om status for byggeprosjektet. Det har ikkje vert møte i styringsgruppa eller styret sidan sist orientering. Leigetakarar har vurdert skisser som er framlagt, og konkrete innspel for å få til ein meir effektiv utnytting av arealet er meldt inn til arkitekt som gjer nødvendige endringar.</p>	

07/16	<p><u>ØHD</u>  Kristian Simonsen, legevaktsjef og Richard André Våge, overlege ØHD orienterte om status for bruk av legevakta og døgnplassane ved sengeposten.  Presentasjon som viser aktivitet, liggetid, kven som tilviser, fordeling pr kommune og innleggingsdiagnose er vedlagt referat.  Vidare vart det orientert om at det vert søkt om midlar til å starta arbeid med å utvikla elektronisk (web-basert) metodebok for ØHD og rutinar ved NLV.  Avtalar med legar som går i vakt ved legevakt og ØHD er på plass, og lokal særavtale mellom DNLF og Lindås kommune er inngått for perioden 01.01.16-31.12.17.</p> <p><u>Konklusjon:</u>  Utval for helse og omsorg takkar for ei god og nyttig orientering, og ber om å få årleg orientering om bruken av legevakta og ØHD.</p>	
08/16	<p><u>Orientering frå andre utval</u>  Referat frå møte mellom leiarane i dei fire samarbeidsutvala i Helse Bergen føretaksområde - Administrativt kontaktmøte 8.februar 2016 var lagt ved sakslista.</p> <p><u>Konklusjon:</u>  Referatet er tatt til orientering.</p>	
09/16	<p><u>Eventuelt</u>  Ingen saker meldt</p>	